

# Las pli bellas paraulas dals frars Grimm

Il nov disc cumpact en la retscha TOP KIDS

■ (cp) Radiotelevisiun Svizra Rumantscha (RTR) e la Lia Rumantscha (LR) publitgeschan cun lur nov disc da la seria Top Kids ulteriuras paraulas dals frars Grimm. Il 18avel disc da la retscha Top Kids è il medem mument er il segund disc cun ina tscherna da paraulas dals frars Grimm. Ils uffants pon tadlar co «Tschendrina» po maridar ses prinzi, co che «Il cusunz curaschus» mazza set en ina, co ch'il luf nausch survegn petta pajada en la paraula dal «Luf ed ils set ansiels» e tge barats che «Gion da la fortuna» fa adina puspè fin ch'el ha quai ch'el vul.

L'onn 1812 han ils frars Jacob e Wilhelm Grimm edì l'emprim tom cun paraulas per uffants cun il titel «Kinder- und Hausmärchen». Quatter da las paraulas las pli popularas cumparan ussa sin il 18avel disc da la seria Top Kids da RTR e da la LR. Sin il disc Top Kids vol. 16 sa chattan quatter ulteriuras paraulas, numnadamain: «Alvetta», «Il retg-rauna», «Maisina, t'emplaina!» e «La Chapitscha cotschna». In'emproma auditiva dal disc actual da «Las pli bellas paraulas dals frars Grimm» pon ins tadlar en l'internet sut [www.simsalabim.rtr.ch](http://www.simsalabim.rtr.ch).

**Il disc cumpact pon ins cumprà per CHF 19.50 tar:**  
 – Radiotelevisiun Svizra Rumantscha | 081 255 75 75 | [www.rtr.ch/butia](http://www.rtr.ch/butia)  
 – Lia Rumantscha | 081 258 32 22 | [www.liarumantscha.ch](http://www.liarumantscha.ch)  
 – tut las librerias che vendan products rumantschs



**Top Kids vol. 18** Las pli bellas paraulas dals frars Grimm. MAD

## La seria Top Kids

- |   |   |
|---|---|
| 1 e 2 Las pli bellas istorgias dal Simsalabim | 11 La stria dals dents marschs              |
| 3 Il viadi da Mauro                           | 12 Il lader Pederpaiver                     |
| 4 Pippi Socalunga chapitel 1-3                | 13 Rosa tar ils pirats                      |
| 5 Pippi Socalunga chapitel 4-6                | 14 Pauli                                    |
| 6 Toni en il final                            | 15 Lilli e Squamet                          |
| 7 ed 8 Pippi Socalunga chapitel 7-11          | 16 Las pli bellas paraulas dals frars Grimm |
| 9 e 10 La strietta                            | 17 Aladin e la lampa magica                 |